

欽定盛京通志

欽定盛京通志卷之九十三

列女一

唐

遼

金

元

明

四

元

金

漢

唐

陳文

唐文苑英華卷之十三

欽定盛京通志

列女

臣等謹按易著女貞禮彰婦順邳隆之化首
自閨門彤管所書義侔臣子我

國家肇修人紀敦崇節烈宅里表其芳徽名氏旌
於綽楔遼陽之地貞信成風茲斷自耶律以
來節烈著聞者詳其行事臚列姓氏於篇若
杞婦苞母疆域未符皆不具載謹志列女第

三十二

三十三

附錄舊世編錄未詳皆不具錄舊志既文

來前照舊開各籍其行事顯應按刃就蓋其

氣幹財激烈之數負言如風茲潮自平其以

國家舉人舉進崇前照字里表其茂聯今其

自出門洪晉照書通科四子

日參舊越自舊文貞卿等錄顯准制之外

概文

欽定盛京通志

欽定盛京通志卷之九十三

列女

(唐)

李謹行妻劉氏。靺鞨人。有勇略。高宗時。謹行擊高麗於發盧河西。破之。劉氏留伐努城。賊攻之。劉環甲勒兵以守。賊引去。以功封燕國夫人。

(遼)

邢簡妻陳氏。營州人。甫笄。涉通經義。凡覽詞賦輒能誦。尤好吟詠。時以女秀才名之。年二十。歸

簡。孝事舅姑。閨門和睦。生六子。親教以經。二子抱璞。抱質。皆以賢能致位宰相。及陳氏卒。贈魯國夫人。刻石以表其行。論者謂貞靜柔順。婦道母儀。始終無歉云。

耶律氏太師舒嶠之妹。小字常格。操行修潔。自誓不嫁。能詩文。不苟作。讀通歷。見前人得失。悉能品藻。咸雍間。作文述時政。上善之。耶律伊遜求其詩。常格遺以回文。伊遜知其諷已。銜之。大康三年。伊遜誣廢太子。時常格兄舒嶠謫鎮州。

常格與俱常。布衣蔬食。人問曰。何自苦若此。對

曰。皇儲無罪遭廢。我輩豈可美食安寢。年七十。

卒於冢。

舒嶠。國語。解見名宦卷。原作適魯常格。原作常哥。伊遜蒙古語。解見人物卷。原

作乙辛。今俱譯改。

耶律努妻蕭氏。小字伊遜。國舅駙馬都尉托斯

和女歸努。以孝謹聞。初努與樞密使伊遜隙。被

誣奪爵。流烏古部。帝以伊遜公主女。欲使絕婚

伊遜曰。陛下天地之恩。然夫婦之義。生死以之。

臨難頓乖綱常。禽獸何異。幸陛下哀憐。與努俱

行妾死無恨。帝從之。壽隆初帝嘉其節。召舉家還。保大中。伊遜在臨漢。謂諸子曰。吾度盧彥倫必叛。汝輩速避。我當死之。賊至遇害。

耶律努。原作耶律奴。

伊遜原作意辛。蒙古語。托斯和屯庄也。原作陶蘇幹。今俱譯改。

耶律珠展妻蕭氏小字額哩頁。國舅博勒之女。

年十八。歸珠展。未幾珠展卒。既葬。謂所親曰。夫

婦之道。如陰陽表裏。無陽則陰不能立。無表則

裏無所附。妾夫早歲登朝。有才不壽。天禍妾身

復何倚恃。死者可見。則相從地下。不可見。當與

俱逝遂自刃而卒。

蒙古語。珠展厚也。原作術者。額哩頁。蒙古語解見人物卷。

原作訛里。博勒原。作李董。今俱譯改。

耶律中妻蕭氏小字綏蘭。韓國惠王四世孫。及笄歸中。天慶中爲賊所執。蕭置刃於履。誓不受。汙至夜。賊遁得免。久之。帝召中爲五院都監。中謂妻曰。吾本無宦情。今不能免。當以死報國。汝能從我乎。綏蘭對曰。謹奉教。及金兵徇嶺西。中守節死。綏蘭躍馬突至中所自殺。

綏蘭國語。解見忠節卷。原

作綏蘭。今譯改。

韓慶民妻某氏。未詳。慶民爲宜州節度使。金人陷宜州。慶民不屈。死之。以其妻配將士。不從。遂自殺。金世宗讀太宗實錄。見慶民夫婦事。歎曰。如此節操。可謂難矣。

(金)

阿林妻薩勒扎。金源郡王尼楚赫之妹也。天輔六年。黃龍府叛卒。攻鈔旁近部族。時阿林從軍。薩勒扎集附近男女五百人。築柵爲保守計。賊千餘來攻柵。薩勒扎裹氈爲甲。裂裳爲旗。男授

甲女鼓譟。自仗劒督戰。三日。賊去。皇統二年。論功。封金源郡夫人。大定間。以其孫藥師爲穆昆

阿林。國語。解見吉林山川卷。原作阿隣。國語薩勒扎。岐路也。原作沙里質。尼楚赫。國語解

見人物卷。原作銀術可。今俱譯改。

李寶信妻王氏。寶信爲義豐縣令。時張覺以平州叛。王氏陷賊中。賊欲逼室之。憤罵不從。賊支解之。大定十二年。贈貞烈縣君。

李英妻張氏。英初爲監察御史。在都中。張氏居濰州。貞祐元年。元兵取濰州。入其家。張氏盡以

所有財物與之。旣而令張氏上馬。張曰。我盡以財物與汝。猶不見贖耶。答曰。汝品官妻。當復爲夫人。張曰。我死則爲李氏鬼。頓坐不起。遂自殺。諡莊潔。

王維翰妻姚氏。維翰。大定府人。貞祐初。維翰節度定海。爲元兵所執。不降。死之。妻姚氏。亦不屈死。諡貞潔。

瓜爾佳胡山妻阿爾展。宗室承充之女。胡山爲瑚爾哈明安。亡時有衆千餘。興定元年。承充爲

上京元帥。上京行省太平。執承充應布希萬努。
阿爾展治廢壘。修器械。積芻糧。以自守。萬努使
人招之。不從。乃射承充書入城。阿爾展碎之曰。
此詐也。萬努兵急攻之。阿爾展衣男子服。與其
子富德。督衆力戰。殺數百人。生擒十餘人。萬努
乃解去。後復遣將擊萬努兵。獲其將十人。詔封
郡公夫人。子富德。論功遷賞。

瓜爾佳胡山。原作
夾谷胡山。阿爾展

阿爾。蒙古語。解見人物卷四。展。象也。原作阿
魯真。瑚爾哈。見山川卷。原作胡里改。布希萬

努。見人物卷。原作蒲鮮萬奴。國語
富德。送也。原作蒲帶。今俱譯改。

薩哈連妻通吉氏。平章政事察雅遷嘉努之女。自幼動有禮法。及適薩哈連。閨門肅若。薩哈連爲中京留守。元兵圍之。疽發背。不能軍。通吉氏度城必破。謂夫曰。公以宗室受國厚恩。不幸病不能戰禦。設城不守。當率精銳奪門而出。携一子走京師。不能則戰而死。猶可報國。幸無以我爲慮。薩哈連出巡城。通吉氏乃取資貨散之家。人戒女使曰。我死。則扶至榻上。以衾覆面。四圍舉火焚之。無使兵見吾面。言訖。閉門。遂自經。薩

哈連從外至。家人告以夫人之死。薩哈連撫榻

曰。夫人不辱我。我肯辱朝廷乎。因命焚之。年三

十有六。

薩哈連。解見山川卷。原作撒合輦。通吉。八旗姓。原作獨吉。遷嘉努。原作千家奴。

今俱
譯改。

完顏長樂妻富察氏。字明秀。鄜州帥納神之女。

適長樂。哀宗遷歸德。將行。以長樂爲總領。將兵

扈從。將行。屬富察氏曰。無他言。夫人幸毋辱此

身。明秀曰。君第致身事主。無以妾爲念。妾必不

辱。一子在幼。出妻柴氏所生也。明秀撫育如已

出。崔立之變。驅從官妻子於省中。俱親閱之。富
察氏以幼子付婢僕。且與之金幣。親具衣棺祭
物。與訣曰。崔立不道。強人妻女。兵在城下。吾何
所逃。惟一死不負吾夫耳。汝等善養幼子。遂自
縊。時年二十七。富察。八旗姓。原作蒲察。納紳。國語。解見選舉卷。原作訥申。今俱改。

圖們呼圖克們妻烏庫哩氏。伯祥之妹。適臨洮
總管圖們呼圖克們。伯祥朝貴中。聲譽藉甚。圖
們呼圖克們死王事。崔立之變。衣冠家婦女多